

渭水聞見錄

春

二拾二

內務省圖書	
第.....號	第.....部
.....類函
.....冊	共.....冊

和書門	
二	五
一	七
四	八
冊	架
函	號
類	

124

內閣文庫	
五	和
函	書
一	
二	
架	冊

內閣文庫	
番號	和 25184
冊數	4 1)
函號	151 124

151-124



Kodak Gray Scale

A 1 2 3 4 5 6 M 8 9 10 11 12 13 14 15 B 17 18 19



© Kodak, 2007 TM: Kodak



渭水間見錄引

有清世逸人者。延寶之初。生于渭之

將長而學于洛之汭。歸而仕于


阿淡之君。伏臘屢遷。桑榆景傾。一日

謂子第曰。昔者天正甲寅之後。吾

曾祖道益翁從

峻德院公于大坂。爾來百二十餘年

于今不為不久矣。本立枝分。各自拜



祿予末小子材又菲薄而亦仕于
三朝不識干戈之苦逸于昇平之世
敝廬足以庇風雨俸祿足以具餐粥
讀書談道足以自樂非皆
邦君之鴻恩耶然不能輸寫心力以
效絲髮之功有人借問
邦君列世之事則眊然渾不之識是
無乃不可乎夫夏蟬不知春秋蜂蟻

不識朝夕人則不然雖齡不踰百歲
而追遠慕古不忘其本是所以與禽
獸異也人而可與蟲豸同耶然秘府
之外世未聞記而傳之者偶有記其
一二者亦秘而不之出也予之幼也
間有耆老之傳于口碑者而及我老
也亦磨滅而罔存焉嗚呼噫嘻自今
至于數十年之後黃口紅顏之徒則

愈無不若于我今日者乎。予有憂焉。
是以不顧孤陋之學。不恥文字之拙。
舉所粗嘗見聞。渫文和字相雜記之。
蒐輯成卷。名曰渭水。聞見錄。汝曹藏
之于家。勿妄傳之于世。非是以鄙吝
之心。恐人之知也。但恐得僭踰之罪。
罹漏洩之責也。汝曹其思旃。

阮文再辰。夏六月上澣。

渭水清世逸人識

渭水間見錄卷之一

藏人公 姓源氏濱次以齋藤為氏後以蜂須賀為氏諱

正利幼名小六號藏人 公於尾張國海東郡蜂須

賀邑領祿二百貫○海東郡今云海部郡而以蜂須

賀邑四分曰波村曰中橋村曰目比村曰蜂須賀蜂

須賀村中亦有所謂花木中嶋者所謂濱氏是池田

謹按 公之生卒管見未有考也然以 正勝公

之生年考之則 公之生當在 後土御門院明

應年中大將軍義村當作村足利十代後改義植義澄之時因林羅山將軍家

譜考之則此時尾張國蓋東山足利代義政管領斯波義

廉所領也義原者山名或曰 公是斯波氏之分

宗全之婿也

派也。又曰：當初有松波勝九郎者，城州人，將殿煉武藝于諸國，行至蜂須賀邑，日暮投宿，無許應者，是以躊躇于公居宅檐下。公問知其故，曰：因時相救士之常也，留之使宿。松波大喜，曰：他日當報此恩，乃分印符固約而出。後仕于濃州，齋藤持是院妙橋，勵精立身，為濃州今須城主。妙橋病死之後，松波押領美濃一州，號齋藤山城守。道三或曰：公，島山伊賀守之苗裔也。

辛巳大永元年三月五日，京都將軍足利義植去京，出奔淡路。號嶋公方。三年四月薨于阿州。梅養號惠林院。出將軍家譜：今按平嶋喜連川畧系譜，以為義植始諱義材，後改義尹，又改義植。足利義視之子，義政養以為子。延德二

年任征夷大將軍。明應二年為義澄所迫，而去洛陽。歷年再任將軍。大永元年去京，出奔淡路。號嶋公方。三年薨於阿州。梅養號惠林院。殿道舜嚴山大居士。初義植征河內，畠山義豐、細川政元助義澄，執義植置于物部紀伊守之館。其臣二人潛助而出之。是以義植出奔東國。又奔四國，蟄居防州。永正五年上京，再任將軍。大永元年捨政務，退居於淡州洲本。○義冬，義植之長男也。義植疎其母而別迎新妻，又不愛義冬，將讓位于他子。是以與母細川氏讚岐守成之出京師，蟄居紀州和歌山。又漂流淡州志築浦。阿州守護細川讚岐守持高以艦迎之，令住于平嶋之庄，與之以平嶋十二箇村。并山部四箇村。邦人稱之曰御所樣。又曰公方樣。其所相從者

一作永

富山豐後守據宗結城但馬守重政小笠原新右衛門

荒川民部少輔珍國森小平大時常村井權内幸行足

代七郎左衛門淺田將監延房乾鶴之助定直西山源

八堀喜左衛門影盛真洲伊豆守忠元安井源右衛門

之政二十有廣澤左近清繁字善行湯淺次大夫兼綱等十六人都

合三百六十人但以無祿可養故留三江富永結城乾

荒川湯淺六人而遣其他義冬娶持高夫人之妹周防

助之也也木内助義隆正三位侍從兼大宰大生三子

長曰義親次曰義助次曰義任初義冬至平嶋時且暫

寓平嶋西光寺疑天文二十一年疑一年之秋持高欲復義

冬之位以謀之群臣王好豐前守義形法名實休不肯點頭

却詐誘持高于水濱而弑之其臣軍合彌三郎蓮池清

介死之而後義形以三好民部入道女三為使令義冬

依舊住于平嶋母氏清雲院住于勝瑞天文二十三年

疑十年三月清雲院病而歸泉故歷期年而義冬去阿州

往周防以依大内氏大内氏使之住于小原今按大内

二十年出奔至長門為陶尾張守晴賢所逐自害于大

寺陶晴賢全蓋押領周防長門至弘治元年毛相

先就殺全蓋卷領大内舊跡則云永祿三年將軍義輝

命富山右衛門正高政誅三好義形高政以謀畧致義

形于泉州岸和田一戰勝之義形自殺是以三好山城

守下野守日向守松永彈正等恨將軍義輝將弑之復

建義冬為將軍永祿六年之秋日向守至周防告義冬

曰昔日義形弑持高時我曹不與謀公之所知也高政

伐義形是義輝之所命也三好一家今將興亂建尊公

為將軍以雪會稽之恥然尊公在遠國則其功難成且
當先歸阿州雖義形有子亦幼穉無為是以王好一家
以某奉迎尊公義冬點頭謀之大内氏大内氏不肯是
以日向守將辭去義冬父子送之水濱日向守乞暫乘
船義冬父子苟然乘船水手等即解纜發船懸帆順風
須臾至阿州復納義冬父子于平嶋之庄以奉事之然
後永祿八年興兵遂弒將軍義輝時義冬有中風之憂
不能上京義親發阿州陣于攝州富田村普門寺然因
尾州織田信長公威勢炫赫率大軍征五畿内及西國
是以王好之勢日夕消熄將伐信長公其勢不敵徒送
光陰義輝之弟南都一乘院門跡覺慶赴江州還俗改
名義昭去住若狹依大膳大夫義統又去適越前依朝

倉義忠又去赴尾州依信長公故其軍勢大張王好之
謀愈萎蕩矣義親亦罹病而歸阿州永祿九年卒于梅
養是以義冬次男義助將上京乘船以松永彈正曾與
義親有隙故將建一宮成助以為將軍是以成助抑其
船而留之於是成助與義助相戰數次富岡城主新開
道喜等和而平之然王好一家將建義助松永彈正將
建成助是以不相和合戰數次時信長公建義昭為將
軍故王好松永和睦處處構城郭以防信長公然以其
勢不敵兩人共降于信長公其後義昭與信長公有隙
相戰而敗逃于河内若江之莊於是天下入信長公之
掌握方此時也土州長常我部宮内少輔元親聞阿州
王好一族院牆而幸其亂天正四年一宮成助與王好

表次即長春相敵乞兵于元親元親即遣兵于阿州海
部郡五年之春成助遂勝長春然以阿州南方群士大
半屬元親故元親率兵入于仁宇桑野設桑野城之要
害又築城于畑山各置騎士貳百人使桑野義明護之
及于天正六年三好存保來自泉州居于勝瑞嗣長春
之後率紀州淡州之兵攻一宮成助成助不能防而退
居于大栗山又乞加勢于元親元親以兵一萬援之然
依舊未能與存保相戰矣故阿州大半元親領焉一宮
城則以池田肥前守野中三郎左衛門為將副以騎士
貳百人共輔成助而居焉夷山城則以吳田五郎左衛
門東川庄左衛門為將副以騎士二百人使庄野和泉
守護之其他子城亦遣家臣令領護之天正十年之春

信長公賜阿州于三好山城守入道突巖突巖帥數千
騎至于阿州是以士之靡于元親者復属于突巖是以
池田肥前守野中三郎左衛門執成助為質吳田五郎
左衛門東川庄左衛門執庄野和泉守之子為質而後
歸于土州故阿波一國為三好之有也今歲六月明智
光秀弒信長公父子於是突巖帥兵上洛元親聞之八
月帥二萬之兵入于阿州勝瑞城主三好存保授城于
元親而逃于讚州其他子城亦靡然隨元親元親以為
成助與突巖潛通欺而殺之又謂庄野和泉守無異謀
依舊與八幡村一宮城則家弟二郎親安池村親載居
焉副以騎士數百和氣城則使伯父新右衛門尉居焉
其他諸城皆置親族阿州復為元親之有也十一年又

蠶食豫州讚州及于天正十三年秀吉公平均四國元
親降參以捧阿讚豫三州於是賜阿州于家政公初
細川讚岐守持高授義冬以平嶋十二村并山部長山
之内吉井棟根仁宇和食四村九十六村三千貫之地
自天文之初至二十四年之春為義冬之采地此年之
夏義冬往于周防以至永祿六年之秋此秋復自周防
歸阿波三好長春一作長治與日向守謀授義冬地如故然
大内氏疑義冬父子其日向守密謀怒甚留義冬夫人
義助義任及家臣于周防故義冬家事萬般不便是以
日向守命日向宮右衛門佐奉事義冬田宮營其飲食甚
尊敬之恐調饌者氣息之及而命之覆面也此冬夫人
大内氏逝永祿七年正月義助夫婦義任等歸于阿州

天正元年十月八日義冬逝義助嗣世五年元親入于
阿州十年元親又入于阿州授義助地如故至于十三
年家政公領阿州遣使于義助義助亦謁見于家
政公翌年秋家政公告之曰阿波國古來諸士所領
悉令返納焉如公亦當返納焉於是十六村悉歸納于
公其後梅茶料授平嶋之内百石之地義助再三辭
之而家政公有懇懇之言是以義助亦依舊在平嶋
於是悉遣家臣下僕獨留三江兵庫頭富永兵部少輔
二人慶長二年七月二十五日義助病没義種嗣家十
三年義種之子義次初見于至鎮公家政公以
至鎮公之勸召於秋原光勝院明岳義種之從弟謀之使之歸
平嶋又小即賜短刀綿襖至鎮公亦賜以綿襖十九

戊丙

年之冬、自豐臣秀賴勸義種、義次上大坂、以小船迎之、
義種不肯、以白之于。至鎮公。至鎮公甚感之、賞永

七年四月十三日、義種逝、義次嗣家、延寶八年正月二

十七日、義次逝、子又二郎義量嗣家、元祿十年八月二

十六日、逝、子又本郎義辰嗣家、義辰長子梅平、嶋熊八

次、梅足利左兵衛、熊八長子梅平、嶋左衛門、次梅足利

右兵衛、義量嘗語人曰、大坂之役後、至鎮公將授義

種、以千石之地、券書既成、家政公不聽之、曰、將軍苗

裔為浪士者、授大祿、則或為首魁、以生亂于國中、也、勿

卒爾授大祿矣、永代之祿、不可過百石也、其後或有臨

時、賜米三十石、而今所賜百石、壹斗外、賜合米百石、

六年長子生、諱正勝、幼名小六、

因林羅山將軍家譜、按之、尾張始則斯波氏領之、

後則信長公領之、信長公之先、斯波氏之家老也、

信長公父曰、彈正忠信秀、後孫備後守、其威震尾

州、居于尾州古渡城、至于天文三年、信長公誕生、

信秀築尾州那古野城、使信長公居之、而至于十

一年、駿河國主今川義元欲平尾州、到參州、信秀

迎擊、大破之、永祿元年、信長公攻岩倉城、大破敵

軍、二年再攻、取之、三年尾州諸城多降于今川義

元、信長公聞之、欲迎擊之、義元到桶狹間、不設備、

而宴於松原邊、時信長公察之、俄來攻、義元本陣

急擊之、義元狼狽、戰死、駿州兵敗走、信長公兵追、

斬之、得首二千五百餘級、乃進兵、攻數城、陷之、既

而歸清洲乃修熟田社自是全領尾州
丁七年九月五日正利公父没其名未聞謚云本誓道

誓禪定門○今茲三好海雲自阿波國攻入京都與細
川高國戰于桂川高國敗北越前朝倉存景上洛援高
國破海雲

戊子 享祿元年八月
卯辛 四年十一月七日正利公母没其氏未聞謚云華月

惠林禪定尼

壬辰 天文元年
甲午 三年某月織田信長公生

丙申 五年某月豐臣秀吉公生
壬寅 十一年十二月二十六日源家康公生于參州岡崎

丁未 十六年四月細川晴元并三好一族率四國之軍攻入
京都

癸丑 二十二年二月十五日蜂須賀藏人正利公卒謚云

秀月正定禪定門葬于高野山光明院有位牌 公有
三男一女長曰正勝次曰正信次曰正元次女子

△福聚院公 姓源氏蜂須賀諱正勝幼名鶴松 正利公

之嫡男也母某氏大永六年丙戌生于尾州蜂須賀
邑或云生地未明長稱齋藤小利政有故仕于齋藤山城守

道一家紋用鉄仙後用八重菊又有故改用柏圓後
號蜂須賀彦右衛門正勝叙從五位下任修理大夫

年月參河風土記云蜂須賀彦右衛門利政初云正
不明

勝後云修理亮

卯弘治元年

二年 正勝公年三十一 屬齋藤山城守道三幕下道

主者信長公之舅父也道三黜長子義龍以愛其兩弟

義龍憤之四月二十日戰于濃州鷺山 公為道三抽

惡屢戰朝夕兩度之戰得首二級 義龍遂殺兩弟而弒

道三於是 公歸住于蜂須賀邑屬尾州岩倉城主織

由伊賀守信知 始云布摩下改稱蜂須賀小六利政

九月七日蜂須賀甚右衛門尉正信君没于紀州高野

山號常林禪定門

丁巳三年 正勝公在織田信知麾下時信知家臣等逆謀

攻岩倉城甚急 公在城中先進出門得首一級逐除

逆徒信知大感賞之頒藍染綿衣

戊永祿元年 公三十三長子生于蜂須賀邑諱家政幼

名不詳一說云小六母益田氏父總右衛門領三千石於尾州

五月二十八日信長公攻尾州岩倉城 公在城中而

防之頗有智畧

七月十二日信長公又攻岩倉城 公在城中而防之

謀畧多矣

未巳二年 某月岩倉城主織田伊賀守信知捨城付之信

長公於是 公屬尾州大山城主織田十郎左衛門信

清幕下

申庚三年 五月信長公與今川義元戰于尾州桶狹間

公在織田信清幕下得今川家勇士之首一級又下騎

公在織田信清幕下得今川家勇士之首一級又下騎

公在織田信清幕下得今川家勇士之首一級又下騎

生捕勇士一人事出

某年月日城主信清出師于他方鄉隣逆徒伺其釁率

兵拔城信清方歸與諸士相議公奮發決勝一時信

清得復入城公且得敵首

壬戌五年九月信長公構砦于濃州洲侯使秀吉公主焉

此時以公諳知濃州事故為秀吉公之謀主同入于

砦○二十四日井口之兵乘夜襲砦公處置得宜是

以信長公加祿五十貫

今茲因公知畧濃州五十餘邑靡然服從信長公感

賞加賜五百貫之地且賜名號云左衛門尉正勝

甲子七年八月二日信長公到美濃今諸將圍稻葉城與

齋藤右兵衛尉龍興相戰公在秀吉公幕下得首一

級

按龍興齋藤道三長子義龍之子領濃州拒戰不利

乞降信長公許之龍興避城而出信長公領濃州稻

葉龍興本城後號政阜○又按將軍家譜云永祿九

年信長謂家臣曰吾屢雖侵掠美濃而敵人猶未畏

服我構砦於川畔運奇計以欲平謚美濃卿嘗謂何

衆皆然之信長曰當以誰人為之主乎衆皆杜口名

秀吉而問之秀吉曰這邊有土豪又以偷竊穿窬為

業者多矣而精兵亦或在其中於篠木柏井科野奈

川小幡守山根上等選聚之分定其隊伍以置彼砦

則無乃可乎信長可之於是秀吉記其姓名殆千二

百餘人其拔類者則蜂須賀小六同又十郎稻田大

炊助青山新七同小助河口久助長江半丞加治田
隼人日比野六大夫松原内匠等是皆可以為隊長
者也凡騎步漸可五六千人分之二而可也若無
其將則秀吉便為之主出制禁數條以示兵士然後
敵先出奇兵以欲挑秀吉之兵而擊之箱田大炊助
見之曰敵兵之為體也其有心乎慎勿出吾兵秀吉
然之故敵兵退去箱田大炊助蜂須賀小六加治田
隼人等相議曰今夜將襲敵召所與賂之敵而問敵
之事乃交評談秀吉等皆出若以窺敵陣以蜂須賀
賀治田為小將以箱田為弓鳥銃之將潛入殺敵得
首十三級而歸秀吉達事於信長信長大喜賞秀吉
及箱田蜂須賀賀治田等各有差公時年四十一

辰戊

十一年 先是將軍源義輝於京都為三好一族及松
永彈正忠久秀父子被殺大弟源義昭奔走諸國信長
公輔之欲使之復歸京師起義兵九月十二日先攻佐
々木兼禎江州和田山城一作箕作城公在秀吉公麾下
有武功

巳己

十二年 五月信長公使秀吉公守護將軍義昭在京
師公亦從焉時武衛小路出火然人誦有相殺者無
撲滅之者公奔走而滅之將軍義昭感之賜御紋羽
織且許付桐紋于衣服雖然辭秀吉公之紋仍用柏圓
紋耳信長公亦聞而甚感之於尾州春日井郡三洲村
加賜五千石之地
八月信長公進發越前州到京名攻淺香城秀吉公為先

庚午

手城陷其為先手出于公之智畧矣

元龜元年公四十五歲四月二十五日信長公向越

前到敦賀攻朝倉義景手筒山城秀吉公柴田勝家池

田信輝急擊之公亦從行而得敵首之家康公率兵

會鳥城遂陷

二十六日信長公進圍越前金崎城城主朝倉中務乞

降乃取其城時聞淺井備前守長政叛起兵於江州以

要信長公軍後而大驚將引兵而歸秀吉公進曰某為

城之留守請君安而歸於是留秀吉公副以公并

木村常陸介生駒甚助後荒雅前野將右衛門後弟伴

加藤作内後跡遠以壓朝倉義景之兵及信長公歸京

而後秀吉公亦歸此時公為殿後而隨歸自是所

合戰皆在其麾下

六月二十八日信長公率大軍與淺井備前守長政越

前朝倉義景戰于江州姊川公屬秀吉公得首級

家政公年十三初從軍奮擊武名

同月信長公之軍大勝橫山城以下皆陷公得敵首

秀吉公移于橫山城公亦從在城中

九月信長公與淺井朝倉對陣于江州坂本秀吉公帥

師與信長公亦從之竊登比叡山燒却寺院在敵

營之側者得首二級

辛未

二年江州鎌羽城堀二即守之五月六日尾州長嶋

一向宗為淺井長政所誘來攻之秀吉公在橫山而聞

之乃帥師救之公亦從之一番合鎗取首一級

此日大弟七内君闕死君交名七内諱正元一說云三年壬申十七歲

申三年 正月淺井之兵伺秀吉公不在來攻橫山城公突出城外進擊取敵一人

西癸天正元年 信長公之兵所向無敵朝倉義景授首淺井長政自裁九月以長政之舊領十二方石之地賜之

秀吉公秀吉公移居於江州小谷城翌年以小谷雪深

有往來之勞故攝城于今濱改號長濱而居焉秀吉公

以公為一老加賜食邑於長濱其數未詳時年四十八

按將軍家譜云天正元年十一月十日信長上洛發

向河州攻平好在京大夫義經一作義次十六日義經自

殺平好氏其先甲州源氏小笠原之流也自甲州移

信州小笠原長清次男孫二弟長房為阿州守護其

子孫號阿波小笠原足利氏之有天下時細川氏領

四國故屬其旗下長房八代信濃守義長住阿州三

好邑以為稱號其後京都柳營式微細川執兵權及

于細川微弱而平好氏雖為倍臣專國政義長孫筑

前守長輝振威八年亂入京師於百萬遍寺自害三

男長光五男芥川長則同死長輝長子下統守長秀

揚勢三年其弟賴澄於勢州山田自害長輝二男

薩摩守長基振威五年於泉堀顯本寺自盡長基長

子筑前守長慶擊殺其叔父宗三而陷京師逐細川

晴元幽之於芥川於是長慶代細川執畿内近國兵

權廿五年居河州飯盛城改號修理大夫茂視柳營

長子筑前守義興或作義長代長慶執權四年為家老松
永彈正忠久秀被毒殺而死義繼者義興弟也或曰
十河一存子也及義興死而久秀立之以為長慶繼
嗣淡州安宅水野口阿波一宮井澤讚岐十河皆王
好一族也長慶弟豊前守之虎踞實休其弟攝津守
本原續安宅木家其弟一存或作長正續十河家其弟冬
長續野口家其餘氏族山城守下野守日向守等皆
張臂于世永祿八年義繼與久秀相謀使日向守下
野守松永右衛門佐久通久秀子弒將軍義輝由是平
好松永彌專橫四年及信長之起而岳威也哀至是
美繼亡

甲戌二年四月信長公自奈良歸京大坂本願寺門跡光

佐弼頭如掇大坂城出輕卒遮路信長公擊破之使佐
久間信盛陣於天王寺以備大坂
按光佐掇大坂城數年至八年七月承勅與信長公
和睦

乙亥三年將軍家譜云五月武田勝頼出張遠州進圍參
州長篠城城主奧平九八郎信昌防之城中糧食奉請
援兵于大權現而後信長陣於志多羅鄉極樂寺山
信忠陣于御堂山大權現陣于高松山信長使秀吉
一益長秀等張陣十三段先是勝頼陣于道虛寺山使
兵一萬圍長篠城而使和田兵部守鸕巢城勝頼信小
栗某之伴說大喜進兵越瀧沢河而陣焉大權現為
前鋒佐久間信盛將右軍秀吉一益將左軍二十日夜

大權現使酒井左衛門忠次說信長曰今夜密廻兵自間道以登鷲巢山陷其城襲勝賴陣後則彼狼狽而敗矣信長從之且命忠次曰登山則舉燧忠次直赴焉諸將同來遂來鷲巢舉燧攻城急擊之長篠城兵同出相戰斬敵將和田兵部而城即陷陣屋皆為焦土翌日兩軍復大戰急飛鳥銃大軍競擊之勝賴遂大敗支僅免歸甲州此止此時家政公年十八在秀吉公麾下得首級○傳云信長公攻摂州一向宗家政公伐敵于信長公眼前信長公大感賜祿百五十石以為公臣家政公得祿之始也然年月日不詳

子丙

四年五月三日攝州本願寺門跡之徒三好突岸根來僧徒等突出于大坂樓岸一作擊破信長公之兵此

時公留不退却驅逐敵兵于城信長公感之賜定紋之華羽織華袴此時戰場別無得首級者公家臣中村三郎左衛門得敵首秀吉公以為無比類乃授感書加倍食邑百石信長公又賜定紋單衣時人稱曰樓岸一首或云樓岸籠岸並非當作櫓岸是源義經據京平藏景時為逆櫓論之所

五丁

五年十月信長公賜播磨於秀吉公稱羽柴築前守

廿三日秀吉公帥師適于播州信長公命公從行或

今年秀吉公賜龍野城未知是

寅戊

六年十二月朔日以公之智畧使摂州大矢田城主安部仁左衛門芝山源内降于信長公

卯巳

七年公五十四歲十月十一日秀吉公伐播州三木城主別所小三郎而對陣公以武畧進退輕卒第一番合鎗

追積別所之兵。○此時家政公討殺軍士水田求馬。月日一本云前年之春秀吉公受信長公之命再伐播州別所小三郎長治三木城。越年不決。至今茲三月信忠率大兵到播州。移秀吉公營于三木城邊。而城中不克拒。於是信忠歸洛。九月長治出兵攻谷大膳衛好。秀吉公所守之營急擊之。大膳奮戰而死。秀吉公聞之與力士所守之營急擊之。大膳奮戰而死。秀吉公聞之進旗別所山城守率三千兵屯于大村前。秀吉公僅以三百人直進馳入。短兵急接。矢鋒相拄。公出輕卒以武器攻擊別所族黨。及二百餘人。山城守遂敗走。辰八年公五十初播州廣瀨有守野某者新搆一城不順于秀吉公。秀吉公攻之甚急。守野出城欲逃於西海。當此時秀吉公以公為謀臣。又以為附城之守將。又以

家政公亦為附城之將。六月六日家政公時年二十三。追至播州宍粟郡。急戰攻殺。以捕守野一族。重清秀吉公感之。賞賜所乘月毛鞍馬。并賜家臣勵戰者有品焉。信長公亦賜良刀。○今年秀吉公命公以其女家政公之妹結昏于黑田松千代丸。松千代丸後號筑前守長政。夫人後號寶珠院。

辛巳九年公五十前年正月秀吉公陷播州三木城。城主別所長治滅亡。播州平。秀吉公移居于三木城。因小寺官兵衛之言。又移居于姬路。今年秀吉公領播州為中國探題。築姬路城而住焉。公隨之為龍野城主。領祿五萬三千石。而移居焉。浦記云傳云四方石之地一作禪六月秀吉公帥師到因幡。攻山名彈高豐國等所守取。

鳥城當作埃公登斥侯察之斬獲伏兵之士

伯耆國羽衣石城秀吉公使南條勘兵衛守之十月二

十七日毛利軍將吉川駿河守元春率兵圍之城中糧

竭南條困窮秀吉公勒兵在後家政公年二十四進

告于秀吉公曰羽衣石城兵糧幾盡不可以不運之也

秀吉公怫然起色曰豎子何知何言之分外也家政

公曰如今捨羽衣石城或至沒落則西國之經畧不可

成矣命僕入兵糧于城中則僕入之矣強之秀吉公曰

然則任汝入兵糧于城中矣且以神子田半左衛門尉

荒木平太夫副之家政公不伴兩人獨先率家臣并

與力士以奇計負糧于軍馬以納之城中之城是以免饑南

條遂南運矣秀吉公言家政公曰豎子卓然建明此

事且又勤勞可謂神妙矣他日如此之分外假令觸怒

亦宜謹言而不顧也因以尾藤甚右衛門後歸在勞而

賜刀信長公亦加祿若干其數不詳

十一月秀吉公攻淡州由良城以公武畧故城主安

宅木河内守依公而降

午壬 十年 公五十七歲 某月某日 家政公娶生駒八

右衛門家長之女生駒右近善長之妹自尾州丹羽郡

小折村至于播州龍野城女名姬年十九後歸慈光院

善長後剃髮歸盛庵是生駒丹後之先也

三月秀吉公帥師到備中攻冠城公為先鋒十七日

城陷

之毛利輝元使難波傳兵衛近松左衛門率兵二千來
救。公察城形謂不如水攻。秀吉公循之。即於城邊三
里之間築堤。堤既成。以河水谷水湛沃之。逾日堤水
漫々滲々。秀吉公搆數砦于堤邊。使兵士守之。日夜警
衛不敢怠。六月四日清水自裁。城陷。

六月朔日明智日向守光秀弒其君織田信長公于洛

陽本能寺。時年四弒信忠卿于二條城。年二時秀吉公

在備中與毛利輝元相持。毛利乞和。秀吉公聞信長公

父子所弒大驚。將上京未果。公曰信長公父子之亡

天下之大事不可以不告之毛利氏也。不可以秘之也。

雖今日秘之而他日敵心聞之則當以我為弱。唯直告

之毛利若依舊乞和則可以上京而誅明智矣。若夫變

約則當一戰決雌雄矣。秀吉公大歎遣公于毛利氏

使之告曰昨夜忽聞明智光秀弒信長父子于京師。卿

嘗乞和曰授我以備中備後伯耆以和矣。今猶不違則

我將上京而誅光秀。然衆敵之虛是軍之常也。若欲背

約相戰則當隨足下之意矣。雖死亦天命乎。雖然心

中所願在誅光秀也。惟俟足下之答而已。輝元對公

曰我審秀吉卿所告可謂至矣。信長公父子之薨實可

傷悼。秀吉卿哀惜之情亦可推知也。若夫講和則不可

敢變也。輝元及元春隆景之於秀吉卿不敢懷踈濶之

情而已。卿上京誅光秀之後復來臨于此地則宜及此

時相謀也。在陣日久勞苦可掬。士卒亦想羅縻。今遺弓

五十張。鉄砲五十筒。騎士二十。聊以合カ云。乃副公

以家臣福原一作藤越前守廣俊以答焉。公使輝元作盟約書監視其押矣。歸以告秀吉公。秀吉公大喜謝廣俊等及遣之留。公于高松以備毛利氏時。家政公護姬路城。因秀吉公之命率龍野城兵自摂州尼崎使于大坂織田信孝而後上京。十二日光秀之兵陣于山崎勝龍寺前。一云天方此時也。家政公為先陣自奮以長鎗刺敵。家臣稻田九馬亮後蹄等奮戰多得首級。追績敵陣。於是敵軍敗北。光秀伏誅。其後葬信長公于紫野大德寺。秀吉公乃賞家政公及其家臣云。既而秀吉公在城州寶寺時。毛利輝元以使者賀之。公伴使者而行。家政公導出唱贊其禮矣。公共毛利氏有好也。自此時始。

十一月。柴田勝家在越前。聞秀吉公威權之甚大。而大妬嫉之。曰。今不誅則有後殃。乃共信孝議欲滅秀吉。既以瀧川一益之言乞和于秀吉公。秀吉公且從之。勝家大喜曰。吾欺誘筑前守了。明年則隨其時宜而已。秀吉公在京謂公并木村隼人曰。是度勝家和親之事皆詐謀也。伺我怠惰而俄來攻。洛是勝家之意耳。吾既夙察之。彼安得誘我乎。甚哉勝家之難也。○此冬公以謀畧使柴田伊賀守勝豐與于秀吉公。

未癸
十一年公五十八歲 二月 家政公帥師以抑紀州泉州。○秀吉公將防柴田勝家之兵。發江州長濱。到志津嶽邊而定軍列。此時以公為第九番。自為十四番。與佐久間盛政對陳。因將軍家譜

三月秀吉公出師陳于江州柳瀨。公及家政公與赤松二郎則房後踞在兵庫尉世猶置塩殿共陳在第二番而後秀

吉公料知勝家之謀築砦納兵此時公及家政公

在堂本山之岬入第二番砦一書云三月十日秀吉公

至于江州長濱裁處戰鬪之事。正勝公家政公從

之為二番之陣在西方山道之岬然由柴田先陣佐久

間玄蕃允盛政不肯合戰秀吉公運籌處久設要害置

諸將堂本山之右一段高處。正勝公家政公護之

如此諸方有豫備二十三日秀吉公帥兵自長濱攻濃

州大垣城山路將監反合心于勝家與盛政謀四月十

九日夜半潛兵以攻破大岩山之要害殺中川瀨兵衛

清秀勝家大喜秀吉公在濃州聞之使氏家內膳堀尾

茂助留于長濱以抑織田信孝岐阜之兵而秀吉公直

馳以伐佐久間之軍佐久間敗北勝家雖無力猶謂不

可失盛政而陣于孤塚然其兵不滿三千秀吉公指麾

諸軍令追討之。正勝公家政公與木村隼人成双

列相追。勝家勒近侍之兵六百人于孤塚建金幣之

馬幟以備矣。正勝公家政公隼人之兵旋不整齊

勝家觀之以六百之兵直進來伐我刃兵不覺五町許

以六十町退步。家政公察要處留諸兵隨之交鎗

相備勝家觀其勢而退。家政公進而合鎗得勇士之

首一級秀吉公馳馬來賞其蹈留勃然勇曰假令勝家

頗奮義勢而可須臾取其首矣勝家退而整軍粧欲待

秀吉公而戰死時免所勝助諫曰夫名將途中罹

匹夫之鏃真可慚恨只宜逃于北庄也勝家曰夫武士
當死而不死必遭大辱今為大敵所逐將逃亦不自由
徒遺汚名于後世真堪慚恨矣毛受曰我願賜君之馬
幟以防敵于此耳君宜泰然逃去再三強之勝家拘其
言毛受與弟助兵衛帥兵百人許退于茶磨山建勝家
之馬幟以備矣秀吉公帥兵而從其後時見茶磨山上
松林之間金幣之馬幟揚々秀吉公仰望之曰勝家備
兵于嶮處或有伏兵勿輕進伐然後擇近侍騎士令觀
其形勢騎士登及翠微自山上以銃丸薦地倒之如此
數次悉倒于銃丸秀吉公怒將以多兵討之而山路一
徑不可卒登無可奈何因向正勝公曰遺少年不練
者是以及此請吾子登察其形勢正勝公諾之曰山

上苟有伏兵我當速下歸苟無伏兵我當輪旋馬然我
馬足痛願借公馬矣秀吉公以副馬與之正勝公乘
其馬得之登山山上之士見之設鳥銃數張以俟之
正勝公察銃丸之為物所障處又考雖中無害之程觀
其機會促馬急登十間許察敵鳥銃之勢即迴馬而下
又旋下輪旋其馬秀吉公仰望曰知無伏兵舉群兵攻
之可也於是群兵列登討殺毛受勝助悉誅隨兵方此
時也正勝公家政公之軍功無不大感者既而秀
吉公進軍到越前北莊攻之柴田修理亮勝家自盡城
燒北國平織田信孝亦自殺于宇津美
五月秀吉公築城於櫻州大坂
某月秀吉公任參議叙從四位下

甲申十二年公五十九歲 紀州根來寺僧徒不服秀

吉公在大坂帥師到紀州使中村孫平次後歸或守泉

州岸和田城然以僧徒猛勢湧出鋪張又使部少輔家政公

為岸和田之加勢

三月二十二日與僧徒朝夕相戰家政公自命鎗得

勇士首一級此時家老中山左平次并家臣斷死其後

將攻千石堀城根來之徒率大軍護于城後家政公

以武畧驅逐崩潰且自騎上斬獲弓銃此云物頭秀吉

公感之曰家政之衝粉骨無比類賜家政公祿三千

石于播州佐世郡之内細月利干兩地一說云從前以

父平勝公故別無食邑於是初拜食邑云

春織田信雄有欲滅秀吉公之志慙慙遣价於家康

公請以後援乃從之又遣使于池田勝入森武藏守長

十請之不從皆屬秀吉公而後信雄家康公陣于小

牧山秀吉公發大坂到犬山陣于樂田四月九日大戰

于長久手信雄家康公之兵大得勝利三好秀次敗

軍池田勝入池田之助森長一等皆戰沒公屢有武

功

七月瀧川左近將監一益聞信雄秀吉締兵自越前入

于尾州蟹江城信雄家康公率兵往攻之一益力盡

奔走於是秀吉公歸京家康公亦歸于遠州濱松城

秀吉公又赴伊勢陣于羽津使蒲生氏鄉守名穗生城

使公守東部城信雄亦屯于長嶋東名而後秀吉公

將與信雄和親使富田左近津田隼人往東名告信雄

信雄點頭

十月二十日秀吉公信雄會于矢田河原而和親焉

十一月二十二日秀吉公任權大納言叙從三位

乙酉十三年公六十歲 家政公二十八歲

春秀吉公以公相隨久留大坂為勞且以前田德善

茂竊告其意曰將封以阿波之國公曰予齡既傾願

尚留大坂遂忠勤于餘年若賜阿州于兒家政則浴恩

波豈有限乎哉於是秀吉公悅之而以丹波河內之內

五萬五千石三浦記云 六万石之地加賜之公傳謂小野孫

命巡省丹波笠山而後以 語三浦二郎右衛門云

三月秀吉公任內大臣叙正二位○秀吉公將平治紀

州根來寺并雜賀之餘黨帥師陣于泉州時土州長曾

我部元親使使者來公乃行命又根來等賊藏于大

田城秀吉公以水攻之公以武畧降之

將軍家譜云秀吉為平均四國以大和太納言秀長羽

柴中納言秀次為副將率兵六萬先赴阿波攻長曾我

部新右衛門和氣城既而新右衛門降秀長進兵攻長

曾我部元親弟親安一宮城親安降秀長秀次合兵進

攻赤名左衛門木津城一夕風雨赤名乘夜而逃仙石

權兵衛率兵到讚岐攻八島城拔之四國平秀吉與阿

波于蜂須賀小六家政讚岐于仙石權兵衛伊豫于福

嶋左衛門大夫正則戶田民部少輔此止或曰四月秀吉

公將平四國公及家政公與黑田勘解由次官奉

高相謀攻自讚州滋戶浦以討平讚州直到阿州公

以謀略使長曾我部元親降參以捧阿讚豫三州于秀吉公本記阿波物語以為長曾我部元親帥兵来自土

州據于名東郡一宮城橫領阿讚豫土四州以苦其民

甚矣秀吉公以羽柴美濃守秀長後稱大和王好孫七

郎秀次大關猶子為王為總將以淡路武者仙石越前

守為前導從海路征伐阿州以蜂須賀家政公

修理大夫政勝公自陸路進而伐之發播州龍野到備

前牛窓上艦長谷川孫左衛門尉貞守蜂須賀與平次

井關助七郎益田才藏森萬助稻富清八郎平野與八

郎長濱與五郎等相從焉家政公發龍野到備前兒

嶋上艦細山帶刀山田八右衛門尉稻田大郎右衛門

尉牛田又右衛門尉中村次郎左衛門尉林五郎兵衛

西尾理右衛門樋口長右衛門尉森監物益田内膳正

益田宮内蜂須賀對馬守松原内匠頭稻田平一郎尾

關源左衛門尉真殿傳内掾九郎右衛門八木平左衛

門梶浦與四郎金松惣右衛門岩田五左衛門井上喜

助堀尾平右衛門市原源三郎速水助右衛門黑部理

介郷司孫右衛門川口兵右衛門長田久右衛門伏屋

市兵衛辻善七瀧小五郎武市太郎右衛門五十公三

右衛門長谷川惣左衛門井關源右衛門井後新二郎

馬宮四郎左衛門大田孫左衛門長井四郎左衛門青

山少藏林石見渡邊七右衛門武藤助左衛門安新助

石坂兵左衛門原少三郎原伊左衛門平瀬牛尾等凡

一万餘騎同時兩軍到于讚岐屋嶋矣中國諸軍或到

備前下津井浦而上舟或到備前比々湊而上舟或造于讚州滋戶浦或造高松或造津田浦或造鶴輪浦然後陸行至于讚州引田驛而合聚人數其月某日昧爽旌旗揚々至于阿讚之界大坂之上世俗傳言此時觀者菩薩顯于旗上又言有鴉來止于旗上若夫戶田民部少輔小寺閔兵衛尉小寺筑前守尾藤左衛門尉赤松左兵衛尉等則帥兵士三百而屯于碓越山之下方此時也總將羽柴秀長三好秀次其他日根備中守日根常陸守長谷川藤五郎堀久太郎氏家内膳正氏家志摩守仙石越前守備前中納言老臣戶川平右衛門尉長船又在津門尉明石飛騨守宇喜多入道安心都合三方餘騎沉兵艦數百艘造極養之湊或造別宮之

浦或造津田之湊衆兵相聚先攻東條關兵衛所守木津之城東條即降出城退去阿州處々退居之士頗多來降須臾相加為七萬餘騎總將秀長攻一宮城前則來井川後則名東山下八幡之東西庄倉本之前後矢野延明府中中村和田早淵新居高崎軍兵充塞如稻麻竹葦一宮城代江村孫左衛門尉親俊即降歸于土州總將秀次及家政公帥兵三万攻脇城城兵雖良禦戰而城主長曾我部新右衛門尉親言開城而退去富岡城主長曾我部内記亦降退大西白地城番中内喜助渭山城番吉田孫左衛門海部郡鞆浦城番田中市之丞亦皆望風退去阿州悉平而元帥帥諸軍凱旋皆天正十三年乙酉秋九月也家政公以

益田宮内少輔為一宮城番置兵三百改細山帶刀姓
名為賀嶋主水正為富岡城番置兵三百又構城郭于
仁宇山改山田八右衛門尉為號織部正為其城番置
兵三百又構城郭于海部鞆之湊改中村次郎左衛門
為號右近大夫為其城番置兵三百又構城郭于梅養
之湊以益田内膳為城番置兵三百又構城于西條以
森監物為其城番置兵三百又構城郭于川嶋改一作林
即兵衛名號圖書亮為其城番置兵三百改箱田木郎
一作左左衛門尉為號在馬尉為脇城番置兵三百改牛田又
右衛門尉為號掃部頭為大西城番置兵三百家政
公承秀吉公之命以名東郡滑山城為本城而自住焉
然後美馬郡祖谷山之豪民不從號令是以命金松惣

右衛門為代官往而治之豪民出自處々山林不知其
數放鳥嘴銃如雨下金松多斬殺之而人多難敵金松
死之又仁宇谷之豪民不從號令命梶浦與四郎為代
官往而治之豪民俟其將歸豫備于葛籠谷之坂放箭
飛炮其響如雷梶浦進而斬殺寇賊而其身亦遭害焉
家政公聞之使浪谷安大夫為代官往而治之祖谷
喜多源内木居平松家長大夫等盡忠謀說而令之從
服使彼下至此誅其首魁梟于村々於是豪民順化矣
秀吉公賜家臣守子城者綿襖各二領通中長右衛門
更名稱内藏介長谷川孫左衛門尉更名稱兵庫正兩
人在滑津本城而執國政矣昔者政勝公在播州龍
野時詣愛宕山拜勝軍地藏之社壇有修驗者行年五

十餘許。忽然而來。取出螺一枚。於篠懸之袖。以安。政
勝公前。公問曰。自何所來乎。修驗者答曰。吾子今日
登山之意。合于神慮。是以宿坊僧正贈此螺也。公拜
受焉。然後歸于宿坊。見僧正。謝螺之贈。僧正曰。此螺之
贈。我所不知也。即是地藏權現之所與也。夫臨戰場。一
吹此螺。則殺除惡魔。進加軍勢。以勝敵。保安回家。千
秋萬歲。子孫蕃昌。福貴相聚之螺也。公聞之。即識地
藏權現之所與。而獻呈百味。通夜在宿坊。小假睡。前日
修驗者。共童子一人來。而談話。童子有和歌一首。香ヲ
留。蓮ガ本ニ澄水ノ濁ラヌ世々ノ末ガ末迄ナ於
是夢忽覺矣。翌日下山歸去。爾後。政勝公數度戰場。
必携此螺。無適而不順。無戰而不利。是以世々寶之以
秘藏焉。

六月二十日。秀吉公賜阿波國于家政公。賜豫州于
小早川隆量。此時公仍在大坂。是故移龍野。任臣
僕光紘于阿州。此後賜龍野城于福島。正則慶長五年
光荒尾伴馬居之。
秀吉公以家政公謀畧出衆。命公及黑田孝高為上使
至豫州。達其命。
某月某日。家政公入于阿州。暫居一宮城。而城有南
北二營。其南營則朝廷監同居焉。公則寓于北營。
然後移居于名東郡富田之莊。猪山之城。承秀吉公之
命。改猪山城。號德嶋城。又改稱蜂須賀阿波守。此時秀
吉公賜良力良馬。

按德嶋城稱渭山城一作猪古來城地也第一第二

第三之郭皆在山上永祿年中森飛驒守使人護之

天正十年八月長曾我部元親押領阿州以吉田孫

左衛門康俊為城番護之及于家政公領之以其

規模小隘承秀吉公之命又築城于渭山之下秀吉

公令隣國合カ造作焉其經營蓋出于家政公之

意傳言武市常三常三島有舊居傳言今東根久島取居常三一世而絕林道

感念其議而城地之山本名渭山一作猪山一旦改德

嶋為渭津延寶年中復號德嶋其城東有福島住吉

嶋其南有東富田西富田其西有寺嶋出來嶋瓢箪

嶋佐古其北有助任大岡常三島世謂之阿波德島

從前阿州所々有城永祿年中取圍於世者勝瑞城

則三好彦二昂長治主之水津城則篠原肥後守某

主之保崎城則馬誥駿河守某主之川端城則川端

越前守某主之板西城則赤澤信濃守主之切畑城

則伊澤越前守某主之脇城則武田

上野介某主之重清城則重清量後守某主之岩倉

城則三好德太郎某主之白地城則大西出雲守某

主之足城一作代城則三好備前守某主之金丸城則阿佐

紀伊守某主之山口城則篠原三河守某主之三谷

城則塩田左馬丞某主之穴吹城則細川掃部頭某

主之上野城則北條越前守某主之川田城則戶井

兵部大輔某主之上櫻城則篠原正某主之一宮

城則一宮長門守成助主之今切城則篠原玄蕃頭

某主之寺嶋城則福良佐渡守某主之涓山城則森
飛驒守某使人護之仁宇城則仁宇伊豆守某主之
富岡城則新開遠江守某主之桑名城一作野則桑野河内
守某主之日和佐城則日和佐和泉守某主之由岐
城則由岐隱岐守某主之木岐城則木岐大膳大夫
某主之淺川城則淺川兵庫頭某主之海部城則海
部左近將監某主之西方城則東條紀伊守某主之
矢野城則三好駿河守某主之上大野城則仁木左
衛門某主之本庄城則清安藝守某主之其他自取城岡崎城高河原城
櫛淵城則守城之年月主名未詳及于家政公領
之亦猶使家臣稻田修理主美馬郡脇町城賀嶋主
水主那賀郡富岡城益田豐後主海部郡奧浦城林

道感主麻植郡川嶋城中村若狹主三好郡池田城
其他處之置城番既引阿波物語詳言故畧之至于寬永年中肥
前島原之役興而後朝廷有二國一城之令是以
本城之外皆毀之肥前島原之役在寬永十四年丁
丑一國一城之令在寬永十五年
戊寅移城主於德島

丙戌
十四年 公六十一歲 秀吉公在大坂
家政公二十九歲

某月某日 家政公叙從五位下○阿淡年表錄云
家政公攻日向國高鍋城得勝利因叙從五位下任阿
波守今按此說未審日向之陣在天正十五年
正月二日 家政公嫡子生于德嶋城幼名千松丸諱
正鎮後更豐雄又後更至鎮母生駒氏

五月二十二日 公逝于摄州大坂邸享年六十一葬

于摄州海岸龍雲山安住寺安住寺在攝岸至于元和年中移于天皇寺邊云

秀吉公贈位贈官叙從四位下任修理亮是以謚云

福聚院殿一作前匠作四品長嚴淨張一作常張大居士

公臨終上納丹波河内之内所領六万石之地又命家

臣在其地者移于阿州

秀吉公賜夫人益田氏後號大正院即家政公之母河内之内

置村千石之地以為茶料○公娶益田氏有一男二

女長曰家政嗣統次女名○適黑田長政次女子為賀

嶋彌右衛門孺人

○政勝公遺事

公曰考武士之身奢武名權高自慢者未見其末之榮

者譬如舌與齒所宜味也

又曰武士常納火矢于田螺之内又作記我名之札十

枚或二十枚共蓄之茄袋以佩之可也

十二月秀吉公任大政大臣家譜云自改姓為豊臣

今年秀吉公再建大佛殿于洛陽徵求材木于諸國

家政公亦獻材木若干

阿公之先法諱一曰秀月正定禪定門 二曰宗甫禪定

門 三曰常林禪定門久在高野高明院云 四曰安栖常心禪定門

五曰通監宗富禪定門是曰正利公 曰高監宗養禪定門是正利公之室 此說出于高野山云爾因記備異聞一作尼

△德川家之世系

△瑞雲院公

姓源氏蜂須賀幼名未詳一說云幼名小六
正勝公之嫡男也母益田氏益田大郎左衛門之女右衛門

永祿元年戊午某月某日生于尾州蜂須賀邑

公此後專稱公諱屢變一曰一茂又曰政家又曰可

慶又曰茂成後曰家政天正十三年稱蜂須賀阿波

守家政慶長五年有故稱蜂須賀者在清州秋長又

改稱蜂須賀入奧坊又號梅庵後號蓬菴實永之比

又稱宗一自領阿州在位十六年

亥丁 天正十五年公三十一歲

島津修理大夫義久既領薩摩大隅日向三國屢出兵

以攻豊後國主大友義統義統訴之秀吉公使仙石權

兵衛長曾我部元親赴豊後先使人說于義久而上京

義久不肯相戰大勝兵威大振未敢畏秀吉公秀吉公

飛檄于畿内五國北陸五國南海六國中國十六國江

州尾州伊勢伊賀而招軍士凡三十七國兵士二十餘

萬也今年二月秀吉公使群國兵赴西州為伐島津也

三月秀吉公出京先到安藝作嚴巖嶋到長門赤間關遂到

關戶公之兵六千凡四國中國兵士八萬餘毛利輝

元其兵四萬浮田秀家其兵一萬秀吉公率軍到豊後

諸將相戰于多方四月秀吉公攻若石城遂拔之西州

諸城望風而逃五月進陣于薩州千代川邊先陣十萬

餘兵進到鹿嶋鹿嶋者義久之守城也島津家臣相議

而降義久祝髮著僧衣率侍童一人來謁于秀吉公而

後秀吉公命諸將帥師向大隅向日向兩國諸城望風

而降西州平因將軍家或曰秀吉公九州征伐之時

公與黑田孝高先陣奉行軍政攻豐後國府内城而拔

之又攻日向國高鍋城時使間諜伺之城兵方出將陣

公遣士卒防之城兵逆戈入城公兵多得首級森

小在衛門并甲士亦多闕死又攻島津義弘根白之砦

時公率兵相加大發武功使林五郎兵衛捕草野十

次居京都邸

七月秀吉公歸大坂遂築洛陽聚樂城移而居之使秀

院前在金吾月叟鶴泉初天正乙酉六月來于阿州

家政公之他邦則留主指山城

己十七年公三十一歲

庚十八年公三十二歲

三月秀吉公率大軍攻相州北條氏政也公屬織田

信雄攻北條美濃守氏規所守蕪山城而有武功又命

家人燒却豆州下田城邊人家氏規遂降

辛十九年公三十四歲

壬文祿元年公三十五歲

三年秀吉公征伐朝鮮前冬定渡海之軍兵公之兵

七千二百人為一列與群侯渡海到朝鮮公之家人

畧取熊川嶋至于忠州而小西提津守行長加藤主計

頭清正爭論先陣公乃和解之家譜以為鍋嶋直茂

解今般公敬度忠烈諸事判斷合宜於是達上聞秀
吉公喜之及公至于王城昌原使上使熊谷牛二郎
後歸由寬彌五郎後歸和賜綿衣上意更切且勞公
之家臣稻田左馬允中村右近林園書各賜內書并綿
衣

某月某日次子生于阿州幼名不詳諱政慶後號蜂須
賀右衛門作秀在

己癸二年公三十一
六歲

正月秀吉公在名護屋大明李如松援兵五方朝鮮軍
兵屬焉凡二十萬人來攻平壤城此時公與諸將共
守王城

四月以沈惟敬有和親之議將去王城而適于金山浦

路遇群盜命家臣追逐之然後日本諸將班師于善
山府金山浦待大明使者而秀吉公馳書于小西行長
石田三成等曰可歸朝鮮二王子及從臣于本國依是
臨海順和當作朝鮮二王子歸入王城朝戰王李昭宗出自義州
入王城朝鮮人民按堵如故然秀吉公遣書於石田三
成等曰金山浦近邊之要害可固守之大明之和親若
偽則進攻王城直入大明汝等思之又命諸將守處
之城若使公及生駒雅樂頭長曾我部元親福島正
則戶田民部少輔守唐島公之兵四千五百焉秀吉
公又遣書於朝鮮諸將曰前日諸將雖攻晉州城而城
主牧司能拒之故不能下之是度諸將均進破晉州斬
牧司首使見於我也今遣淺野彈正黑田如水各軍事

可相議者也。諸將共攻晉州。云浮田秀家向一方。公及島津義弘、鍋島直茂、長富我部元親、立花宗茂等屬焉。云云。時公乘兵船而過順天邊。與朝鮮兵船合相戰。大得勝利。便攻晉州之城。云云。晉州城陷。牧司授首。冬內藤飛騨守如安受經、畧孫鑄首入大明。石星待之甚厚。其後如安入省中。石星與之相問答。於是和親之議已成矣。然後沈惟敬到釜山浦。日本諸將大半皆歸朝。公亦歸矣。某月某日。秀吉公妾淺井氏淺井備前守長政女生男子。名拾後。號秀賴。秀吉公大歡發。名護屋乘輕舸到大坂。將廢秀次而立之。或云。方此時。石田三成來親交于公。公不

應。

甲午三年

公三十七歲

秀吉公築城于城州木幡。伏見。

春。千松君即至鎮公九歲。秀吉公有台命。號長門守豐

雄。

公與石田治部少輔三成有隙。其故何也。三成為人辯佞。有可釀天下之害者。是以公不為。秀吉公取之。且屢以戒三成。三成不納焉。今春皆在伏見。一日。公招黑田如水、長束大藏、德善院玄以于官邸。三成聞之。來會。饗應終日。酒數行。公舉盃獻之。三成奉盃曰。三成有所乞于阿州公者。諸公請助而成之。諸公曰。何也。三成曰。阿州公當下所帶短刀。知是胴落名信國鍛治所製也。冀以此短刀賜于三成。庶幾乎以此成公

家之用矣。公曰：此短刀是斬物之骨者所帶，而非足下等所當帶者也。三成面發赤，少間退出。是公識其佞，欲其不相親也。自是三成懷睚眦之念，常媚嫉焉。其宴席執瓶行盃者，佐渡將監黑部二郎右衛門他日語之。三浦二郎右衛門云。

命由厚元所撰譜云：文祿三年再伐朝鮮，家改不及渡海，使家臣發遣。蓋因嚴命也。家臣戊唐嶋，朝鮮兵乘艦襲之家臣，追朝鮮兵得艦一艘。今按：三年再伐之事，不載于將軍家譜。

林羅山將軍家譜云：文祿三年秀吉飛羽翰曰：金山浦諸城警守之將士者，先勿歸矣。其餘者悉可歸朝。因是名護屋在陣，金山浦在陣之諸將，開眉含歡，相共會聚于伏見。

三月朔日，阿波讚岐伊豫土佐有台命改其鄉村人數。以此時所住定為本鄉。

未_二四年_一 公三十
或云：此年公歸于阿州。

四月大明，正使李宗誠副使楊方亨與沈惟敬共發大明，先到三浪江而暫留焉。待日本兵去，金山浦諸城其悉歸朝而將往封秀吉云云。石星屢馳使促渡，日本之事然惟敬舌端飾言，告渡海之難，成依是宗誠方亨到金山浦而留滯，今年已暮矣。

丙_二慶長元年_一 公三十
九歲

五月朔日，前田左近將監利勝夫人沒，歸東林院殿雲。憲壽慶大禪定尼葬于城州，因崎是公之長女。畢。

雄公之姊也利勝前田德善院玄以法印之子後號羽
紫左近大夫秀利為丹州龜山城主

七月十二日城州伏見地大震公登伏見城而警固
焉

大明正使李崇誠拜誥命乘夜出金山自間道逃歸而
潛居焉六月正使揚方亨副使沈惟敬率從者四百餘
人發金山赴日本此時清正行長猶在金山浦與兩使
共歸九月二日方亨惟敬登伏見城云云秀吉公召承
先使讀大明之璽書秀吉公聞而果怒曰明主封我為
日本國王固是可憎之殊甚者也前日行長曰大明封
我為大明國王故我信之而既班師矣云云召清正平
成等曰大明遣使封我我甚不滿意而姑忍之朝鮮求

和者決不許之我將再起大兵屠滅朝鮮然後聚清正
及西州諸將而定遣兵于朝鮮之期日屢議軍事下令
曰加藤清正小西行長相勸前陣中國九州之諸軍悉
渡海而可屠拔三韓也東國北國畿內之士卒者可改
築伏見城依將軍

丁酉
二年公四
十歲

將軍家譜云二月秀吉下令曰前陣者清正行長隔日
而可相勸之云云七陣者蜂須賀阿波守家政云云舟
師者藤堂高虎加藤嘉明脇坂安治監之以四國兵可
為其援於是清正發船到朝鮮自是日本諸將相繼渡
海止此時公陣于王城昌原此
今由所撰譜云慶長二年三伐當作朝鮮家政渡海

調兵屯于昌原于時淺野左京大夫幸長後踰紀在蔚
山漢南之大軍欲圍之加藤主計頭清正後踰肥軍營
近于蔚山故聞之速入其城果漢南之大軍群來圍蔚
山家政聞之火急馳走登蔚山張旗幟率精兵擁後
攻之得首許多也敵軍潰圍

七月公帥舟師戰于加德嶋巨濟頗有武功
將軍家譜云八月諸將向南原城自全羅慶尚忠清三
道而進以宇喜多秀家為大將而小西行長為先陣島
津兵庫頭義弘蜂須賀阿波守家政長當我部土佐守
元親加藤左馬助作嘉喜明生駒讚岐守等五方兵從焉云
既而秀家行長四萬餘兵均進攻南原楊元等固守焉
攻之四日行長等退陣而遠攻焉城中見之為忘累日

之困羸故各解甲胄而安卧黎明行長麾兵急進攻破
南門而入秀家家政元親等亦各爭進入城楊元在帳
中驚遽不及著衣盤礴跣足而逃出李福戰死秀家行
長亂入于城中斬首三千餘級生口亦不少此時
公有武畧焉

八月二十七日賀島彌在清門踰鶴孺人蜂須賀氏逝
謚云本覺院殿克齡榮舜大姊葬于阿州那東郡石塚
村牛岐今云城下鷲嶽山本覺寺孺人即正勝公之
女家政公之同母姊也天正十三年乙酉九月初來
于阿州住于牛岐城邦人謂
之牛
岐樣

冬大明之兵數萬來援朝鮮公在其軍後勇謀建功
多矣

戊戌三年 公四十
一歲

將軍家譜云正月朔日行長率三千兵發船于順天而
救蔚山秀元秀秋長政率三方兵來為蔚山之近邊揚鎬大恐
國軍兵二方餘人亦馳來比于蔚山之近邊揚鎬大恐
不及分兵運籌之事即諭曰速可班師既而援兵數方
飄旌旗于前山之風依是揚鎬猶處不論先後狼狽逃
歸清正不知之故不出而追之翌日援兵見明兵之甚
少皆謂彼既逃矣即與城兵追之吳惟忠第國器忘身
而苦戰故明兵得不悉死矣然其兵器馬旗弓矢鳥銃
奔指于路頭者車載斗量不可得盡揚鎬之行名傳布
於世間也此此時淺野在京大夫幸長加藤主計頭清
正守蔚山城公為後援有武功江府中納言秀忠卿

聞之使石川八右衛門賜公綿襖十領羽織十領
將軍家譜云行長等聞大明百萬兵大起欲圍順天皆
曰若受大兵之圍則悔而何及矣即馳价於秀吉白之
秀吉怒曰大明大軍來而何可去城而畏避之子未聞
明兵既在順天近地然則清正等六方餘兵可守諸城
其餘秀秋秀元秀家及四國兵者先暫歸朝而九月又
可渡海矣時五月也此日本戰艦大半將歸前由德善
院玄以遣伏見邸官岡田甚左衛門告于公曰近日
朝鮮之戰足下處置不宜秀吉公聞而怒甚須臾寡約
士卒而還潛身在大坂邸以俟怒氣之熄也此事因在
申治部少輔三成之諛言甚左衛門至播州明石之海
門遇于公乃達其書且口演其意公起色曰近日

朝鮮數次之戰，恐無如家政者。然今如此，是有司之具錦，無可疑者矣。與潛身于大坂邸，以徒死不若歸于阿波之國，以繫居也。然則秀吉公應以使者詰問，於是當具陳予無罪之狀，以俟台命也。使甚左衛門歸報之，乃還于阿州，繫居于郊外大安寺，不入其城，以為此州是秀吉公之所賜也。雖秀吉公有無道之命，而為臣豈凌忽之乎哉。庶幾秀吉公之自省也。無幾秀吉公罹病，日甚一日。公聞之曰：聞尊恙日漸，豈可忽然安于國乎。假令不得拜謁而潛聽其安否可也。乃將適大坂方，此秋也。德善院玄以承命使。公速朝于大坂。公使上船，然風日不和，暫留海上。既至大坂，公亦罹病，不能登朝。使者屢問其病，秀吉公亦貴恙大漸。

八月十八日，前關白大政大臣從一位豐臣秀吉公薨於伏見城，享年六十三。遺書使朝鮮在陣諸將悉歸本朝。某日葬于洛東南邊阿弥陀峯。公仍在太坂邸，使尾關猪右衛門森甚五兵衛呼家人留在朝鮮者，家人皆歸。歸路值立花宗茂家人之艦將破損而救之。十月，諸將班師上京，到伏見，執謁于家康公，而後各歸國。某月某日，有司以秀吉公遺命賜公相州廣光刀。公拜受之。十二月上旬，歸于阿州。

己亥

四年 公四十
二歲

春世子豐雄君十四歲，與公女某結婚。公女是小筆原

兵部大輔秀政君娶岡崎三郎信康君之女而後所生
即家康公之曾孫女也今茲八歲家康公以為養
女而結婚後踰殿

正月二十一日之朝加賀大納言利家前田德善院玄
以淺野彈正少弼長政增田右衛門尉長盛石田治部
少輔三成長束大藏大輔正家等以生駒雅樂頭其父
長老咎家康公曰凡諸侯昏姻必達之有司然後行
之是木閤之制法也然聞令息忠輝公與伊達正宗
結縁又養女與蜂浪賀長内守結婚秀吉公薨去未經
數月内府公先破其制法何也内府而破之天下有誰
不破者乎是以為放肆乎以為有異心乎家康公曰
吾子等所來告非無謂也然曰家康有異心乎是所

不可曉也家康謀反之證人誰乎我欲尋其人以覈
其有與也當速出其證人且愚男為女之結婚嘗有媒
人伊達氏之媒人泉堀市人宗薰我以為媒人既達有
司而相約焉是家康遠慮之所不足也然則當幾度
分疏焉至于所謂有異心則我之所絕無也此事更難
遺置不可不窮明也我當自對稱有異心者以極其實
否苟無外人證之者特出于有司之造言則其所造言
者是證人也然則當以天下之人為聽斷人而覈其是
非也孰觀今世之風木閤薨去之後有佞姦邪曲之徒
設為種種詐謀以惑人心亂世道者有焉前年伏見之
騷動亦非細事也夫在有司則當以此等事以正其法
矣然不之顧而却疑無罪家康有異心畢竟不可曉也

夫有造言將以亂世道者故國家一日不寧靖也如此
大山人可謂有異心矣吾子等當速歸以家康之言
逐一演說之于利家玄以等又當來告其證人若今世
之勢則天下擾亂在近矣豈非可慎乎雅樂頭允長老
悔然而歸爾後彼此有往復然後互呈誓詞事了雖然
家康公與利家未得灑然無滯芥

二月家政公至于大坂與加藤清正相謀勸講和而
後家康公與利家相和

三月十一日前田利家卿饗家康公于大坂官邸
公為伴食此時責石田三成之不法又藤堂高虎饗
家康公于其邸公為之警固

閏三月三日加賀大納言前田利家卿卒

石田治部少輔三成者江州人也仕于秀吉公初起微
賤進入五奉行之隊為江州佐和山之城主及于秀吉
公薨日本軍兵自朝鮮悉歸也三成奏其功不公
及加藤清正羽柴正則黑田長政加藤嘉明池田輝政
羽柴忠興淺野幸長諸將怒焉閏三月前田利家卿卒
後諸將將殺三成三成去大坂逃于伏見諸將自大坂
追至伏見家康公和解之使諸將西歸大坂使三成
東歸佐和山其臣嶋左近曰宜放火伏見以殺家康
可以無去三成不聽而歸家康公命結城少將秀康
卿中村一氏生駒親正護送焉
前田肥前守利勝一作利長為石田三成所誑將弒家康
公及于密謀漸露而逃歸于加州家康公將有事于

加州評議既決然而公及諸侯之所素與利勝相親者皆隨家康公是以利勝降參

庚子五年 公四十三歲 豐雄公十五歲

正月世子豐雄公娶公女德川氏即家康公之所養以為女也年九歲自城州伏見城至大坂王造口官邸昏禮成焉

上杉景勝者長尾越前中政景之子而謙信之外甥也

謙信養以為子謙信沒後與三郎景虎爭其家嗣遂殺

景虎領越後越中佐渡飛騨一作能登上州之內若干武州

之內若干凡六州及于秀吉公之御天卡也收其六州

別賜奧州會津百二万石之地慶長三年秀吉公棄世

之後與石田三成之逆謀多方築城壘不復上京而拜

謁焉家康公赫怒爰率十万一千八百餘人之軍

將以討之此時公曰家康公曰兒長門守豐雄至

鎮公今年十五一作十六願從大軍之後以慣看戰場矣

家康公怡然有懇命曰予與豐雄同行於是公使家

臣益田宮内丞為傳率十八騎相從一說云七騎路次詣尾

州熟田高倉宮而祈焉公承家康公之命留在大

坂王造口邸六月大軍悉至下野之小山江府大納

言秀忠卿亦帥師適下野之宇津宮乃入小山矣伏見

留守島井茂右衛門等以急使報曰石田三成謀叛與

四國中國九州之兵相伴將攻伏見城於是使結城軍

相秀康卿等留守會津之堺荒川七月晦日發小山還

于江都大納言秀忠卿及豐雄君亦相從而還然後

秀康卿贈書景勝以詰問戰否景勝答曰景勝固非謀
叛然四邦流言誤使（一作德）得川公發向伏蕪善為我謝之
于得川公云當此時濃州關原戰陣既合石田三成
之黨圍擊不利或敗北或死亡或降參景勝聞之賴豐
光寺長老謝曰若免景勝之罪則自今當屬幕下以盡
忠節矣是以家康公許應宥其流死沒收會澤百二
万石之地別賜出羽國米澤三十万石之地一說云六
年辛丑四月佐竹右京大夫降且願免景勝之罪景勝
亦賴秀康卿而降乃與共上京拜謁于家康公又一
說云家康公以本多佐渡守正信免其罪令上京於
是景勝上京拜謁云上杉一條因日本人物
史武家盛衰記等綴之
石田三成挾幼主秀賴卿時年八歲而起亂與上杉中納言

景勝佐竹右京大夫義宣合謀又作書招集五畿七道
之兵景勝在會津而叛家康公率大軍而征之伏見
留守島井彦右衛門等馳急使以報其逆謀三成且伐
伏見向嶋城一夕城陷留守島井彦右衛門元忠宇治
茶師上林竹菴死之

七月某日公在大坂玉造口官邸時豐臣秀賴卿有
命木俣某為使其意旨使公與石田三成相從而伐
家康公須尾三成之後而東行也公對曰家康
公之於秀賴卿也初無少逆意而執天下之政亦無少
私行是秀賴卿之所知也且秀賴卿幼少豈有伐家
康公之志乎然則是唯出於三成之心不可疑也若出
於秀賴卿之心則家政豈不之識乎且豈遣兇豐雄

于關東乎且秀吉公薨後萬事秘之于某以某置于度
外是皆王成之所為也然則捨一子于關東以誘掖秀
賴卿亦人豈信之乎然則今從王成以伐家康公決
然我所不肯也木俣歸報厥後德善院玄以復矯命告
曰有可命者當登朝也於是家臣相議曰幸大坂官邸
溝牆堅固當據之固守天運苟盡唯有一死耳若今登
朝為少年輩所害則非恥辱乎公曰我自十三歲勉
勵武道至于今日十日所視未有過越而今不登朝則
年來武道不唯成空且人皆謂恐懼不能登朝以嘲弄
之是我所恥也天運苟盡何地可逃乎哉我必當登朝
矣猶由丹波在末座進出曰君之言恐極是也必當
登朝矣臣亦須相從也公悅而登朝命猶由丹波野

野村左門谷川六郎右衛門相從小南加賀右衛門亦
乞而執履其他相從者亦皆以為此行不生還也自櫻
門入而登朝行命者使公坐千疊席前舞臺上頗移
日暮臺上尚答後世不傳公告厨人食湯饒飯三碗
其膳既徹少間而退諸從者在櫻門俟其退朝時谷川
六郎右衛門自櫻門入廊廡之內縣即腰因以窺其退朝
公既下階出門上馬群臣扈從而歸上下相歡淚數
行下於是固鎖門戶警衛無懈然後德善院玄以矯命
使使者告曰家政若隨王成則阿波之外加賜播磨丹
波為播州姫路城主以為中國之探題職若不隨王成
則須及納阿波國退去大坂官邸公對曰阿波國故
大岡之所賜也秀賴卿收奪之豈不及納乎至于與王

成相後則決然不之為也。如前所言，乃更名梅峰須賀。表右瀟門秋長暫隱于泉州松尾，有故登高野山，號蜂須賀入奧防。一作坊又號梅庵，然後下高野山，至于河內國楨尾尼寺，命泰雲和尚。阿州泰安剃髮，號蜂須賀蓬菴。時來往京師，寓于藤重藤伯之宅，於是家臣之輩四方散行以俟。豐雄君之上洛時，家康公在江都城。公將以大坂事之始末詳告，家康公遣家臣太田喜兵衛勝虎等二人於關東，潛身隱影，經過敵陣之際，而至江都以呈書于豐雄君。君使益田官內丞引喜兵衛拜謁于家康公。家康公方習馳騁在騎場，豐雄君攜衣兵衛晉呈蓬菴公之書。家康公欣然而喜，曰：「聞近日上方之事體審矣，可以喜也。」感衣兵衛經

敵國至關東，手自賜定紋羽織ドシケ及單衣，而國老相田修理亮長谷川伊豆後稱在阿州為留後，然小川越中守并毛利利輝之臣小早川豐前承秀賴卿有司矯命率若干人來將收德嶋城，益田因幡迎接兩使，乃告其旨而未即入于城內。城內則國老山田織部宗登後稱留守之有所大謀，授城于兩使時，公之母大匠院君則去德嶋城而入于牛岐城。今云而阿州諸士之妻孥則荷器物運家財，或逃市廛，或隱寺院，或入郊外農舍，抑毛利家與蜂須賀家相好久矣，是以毛利家之士聞之不厭勞而助之者多矣。○泰安寺藏書云：「家政公不受秀賴之命，退入大坂，王造官郎固閉門闕，議宗出入時，前田德善院矯秀賴卿之命，曰：『須返納阿波國』」

高野山日記

春文錄三甲午年

正月廿日峰須阿

波守飯朝自雅

髮踰蓬卷遜

高野羞朝鮮

無軍績也

碑集云秀吉

聞之曰蓬卷何

為慶無戰功

乎各之持口

有敵之來否

可出仕

慶長五年子年十

月五日毛利大膳大

夫輝元蜂須賀阿

波守家坊遭東

將于救宥出山

飯國

○方徳川記云輝

元者九月十五日

原對陣之滯留

退去大坂官邸。公曰諾然。公又以為如此進退維

谷當處置如何。泰雲和尚在側。公告之曰。如今災難

到來。吾子沙門也。宜速去。此以免難也。和尚正色諫云。

死生有命。通塞有時。我宗有法。戰事橫括。山藤降伏。虎

狼退散。外魔豈有捨此就彼事。如今非。公猶豫之時。

當急退避也。公領之。攜手請出。玉造官邸。將適高野

山。然事勢急迫。故且投宿于泉州牧野道通之家。子孫

今日。泉屋長左衛。乃稚髮為僧。使泰雲操剃刀。改名稱

蓬卷。行年四十三。九月八日也。然後上道。而歷所乞之

關。譏察甚密。乃稱高野山僧。因公事而行。遂無恙。登高

野山。入于光明院。而潛居焉。

九月某日。家康公率大軍。與石田治部少輔三成戰。

于濃州。関原。其隨。家康公者。福嶋左衛門大夫正則。

清長岡越中守忠興。豐後加藤左馬助嘉明。真崎黑田

甲斐守長政。豐後藤堂佐渡守高虎。豫州京極修理大

夫高政。信州京極丹後守高知。田中兵部少輔吉

政。參州田中民部少輔長頭。生駒讚岐守正俊。讚

高寺澤志摩守廣高。肥前井伊兵部少輔直政。本

多中務大輔忠勝。上總大池田三左衛門尉輝政。吉田

淺野左京大夫幸長。甲州堀尾信濃守吉氏。遠州蜂須

賀長門守豊雄。阿山内對馬守。遠州有馬玄蕃頭豊氏。

一柳監物直末。濃州金森法印。筒井伊賀守

神原式部大夫。京極侍從。池田備中守

中村式部少輔。松平下野守忠吉。秀忠卿金

右就江戶本棧

高野山隨心院。竊

抄之隨心院僧

名學靈者是阿

彼德善寺見住

而方外友也。文政

丁丑月增希哲

森出雲守。織田有樂。竹中丹後守。松倉
 豊後守。德永法印。市橋下總守。都合七
 萬五千三百三十騎。一本作八十五萬堂石田三成者乃安藝
 中納言毛利輝元。藝州備州備中周防長門因幡石見毛利宰相
 秀元輝元養子嶋津兵庫頭義弘。大隅薩摩嶋津中務少輔義家
 ○嶋津又七郎忠恒。後蹄薩摩守家久筑前中納言秀秋。木
 肥後守子小早川左衛門養子。備前中納言秀家和泉
 ○中變為家康公之後援。土佐守立花左近將監
 前美作備長常我部宮内盛親。元親子宗茂。筑後柳川肥前入道鎮信。肥前高橋左近長行日
 崎有馬修理大夫正純。肥前有馬宗對馬守義知。對馬毛利壹
 政守勝信。豐前小倉毛利豊前守勝長。勝信相良宮内少輔
 款定。肥後末麻中相良左兵衛佐長每。○秋月三
 變與家康公。

市種長。日州高鍋中久留米侍從秀色。小早川五嶋
 大和守盛房。肥前深江筑紫上野介義冬。足利直鍋嶋信濃
 守定茂。加賀守高橋主膳正長昌。○高橋九郎。中變
 家康公小西攝津守行長。肥後伊藤民部少輔祐隆。日州
 前原戰大谷刑部少輔吉隆。越前敦賀增田右衛門尉長盛
 和州淺野彈正少弼長政。○前田德善院玄以法印
 ○關長門守一政。○羽柴左近大夫秀俊。丹波平
 塚田幡守為廣。○戶田武藏守重政。豫州脇坂中
 務大輔安治。濃州降太田原飛驒守政信。豊後中江式
 部少輔有澄。○安國寺惠瓊。○大友豊後守義統
 豊田丸中務少輔。濃州福原右馬助直高。豊後之内垣
 見和泉守家純。豊後熊谷内藏助直陳。○石川玄蕃



頭康長信州杉原伯耆守長房豐後山川民部朝信初

東後石川備前守貞清尾州山崎右京貞勝。○津

田長門守信成。○前田王膳正丹波小野木縫殿助

○大村新八肥前木下備中守。○石川掃部頭賴

明。○原隱岐守。○堅田兵部少輔廣澄。○朽木

河内守利綱降。○赤座久兵衛負保降。○松浦安大夫

宗清。○長束大藏大輔正家逐電。○小川土佐守祐忠

降。○相良宮内。○降與都合九万三千七百人。方此

時。豐雄君則陣于南宮山。以抑敵軍。而軍相當揚聲

戰鬪。三成之兵敗北。三成遁于北近江草野寺。衣敝衣

項敝笠。腰鏃而藏于谷中。田中兵部少輔吉政。家人田

中傳左衛門澤田在左衛門虜之。逆黨小西攝津守行

長安國奇惠慶一作瓊亦見囚。家康公賜三人衣服。不受。遂

伏誅。乃梟其首于三條河原。其他將士。或中變。倒戈俗

切或鬪死。或自殺。或逃散。或乞降。而增田右衛門尉

長盛。則宥其罪。放之高野。嶋津兵庫頭義弘。則逃歸于

薩摩。其兄嶋津立酒一作伯賴本多佐渡守正信。而謝罪。福嶋

左衛門大夫正則。乞免其罪。於是許為安藝。中納言

毛利輝元。賴井伊掃部頭直政。而謝罪。是以收其所領。

特賜周防長門兩國。鍋嶋信濃守勝茂。則以其父加賀

守直茂。謝罪。被免。長曾我部宮内少輔盛親。則逃于大

坂。蟄于土州。以乞免罪。是以免其死罪。收其領國。宇喜

多中納言秀家父子。則逃濃州。至于薩摩。賴嶋津義弘。

乞免死。是以放父子于豆州。八丈嶋。若夫關國之地。則



賜安藝備後于福嶋左衛門大夫正則賜播磨于池田
主左衛門輝政賜紀伊于淡野左京大夫幸長賜筑前
于黑田甲斐守長政賜筑後于田中兵部少輔吉政賜
備後當作美于筑前中納言秀秋賜出雲隱岐于堀尾帶
力吉晴賜豐前并豐後杵築于長岡越中守忠興賜土
佐于山内對馬守一豊賜伯耆并因幡之内于中村一
角一忠後瑞松平賜若狹于京極宰相高次賜丹後于
京極修理大夫高政賜伊豫松山于加藤左馬助作嘉明
賜伊豫今張于藤堂佐渡守高虎賜因州島取于池田
備中守長吉賜飛驒于金森法印長近俗名五郎賜丹波
福知山于有馬玄蕃頭豊氏賜美濃高須于德永法印
當時賜伊勢神戶于一柳監物直末賜能登并小松大

聖寺于前田肥前守利勝賜越前于結城宰相秀康賜
尾州于松平下野守忠吉其改賜采地于家人者乃賜
江島佐和山于井伊兵部少輔直政賜勢加奈于本
多中務大輔忠勝賜美濃加納于奥平美作守信昌賜
美濃大垣于石川長門守康通賜三河岡崎于本多豊
後守康重賜三河吉良于本多縫殿助康俊賜三河吉
田于松平玄蕃頭家清賜遠加濱松于松平内膳正家
廣賜遠州掛川于松平隱岐守忠勝賜遠州橫須賀于
大須賀出羽守忠政賜駿加田中于酒井備後守忠利
賜駿州府中于内藤三左衛門信成賜駿州三枚橋于
木久保治右衛門忠佐賜上總大多喜于本多出雲守
忠朝各為城主築城于江島勝所崎使戸田左門一西

守之。又賜會津于蒲生藤三郎秀行。賜大隅薩摩之朱
印于嶋津修理大夫義久。入道龍伯。減佐竹右京大夫
義宣所領常州八十万石。賜二十万石之地于出羽秋
田。家康公新賜豐雄公阿波國初方小川越中守
小早川豊前來。收德嶋城時。山口玄蕃破壞加州大聖
寺城。是以大谷刑部修復之。大坂有司稱國役使阿州
所留之士。往輔刑部之役。故稻田修理亮長谷川伊豆
帥士卒將到加州。而趨大坂。雜兵九壹万人。九月十二
日。至于攝州兵庫。修理亮有采薪之憂。逗留三日。蓋有
需而然。十五日發行。十六日至平瀨。忽聞原之戰。
家康公大勝。石田三成敗北。而欣然。鞭馬至于江州
草津之驛。拜謁于豐雄公。審語。家政公剃髮。秀賴

卿收奪阿州之狀。豐雄公曰。此事既達。台聽以関
原之戰。台軍得利。是。以使某依舊領阿波國。且家
康公稱。我曰。此役隨我。勤勞軍事。施為神妙也。於是群
臣歡悅。凱還上洛。然後賜休暇而歸國矣。

某月 豊雄公修復尾州熟田高倉宮。石田一條因
日本人物史



其月 豊雄公修復尾州熟田高倉宮。石田一條因
日本人物史

[Faint bleed-through text from the reverse side of the page]

[Faint bleed-through text from the reverse side of the page]



